



# TRACTATUS

## SECUNDVS,

Vom Aderlassen vnd Schröpfen ein general/  
 aber doch gar kurzer Vnderricht/ nach Meinung  
 Herren Philippi Theophrasti Paracelsi: Item von  
 dem Purgieren.

**D**ie verbotenen Aderlastage / wie auch die  
 Erwehlungstage/ seynd ex veteri olympo, nach der Al-  
 ten Lehr extruiert/ vnd haben keinen beständigen Grund/  
 dann die Rationes darauff sie stehen/ seynd nicht suffi-  
 cientes: So falliert die Experientia viel vnd offft/ vnd  
 ob gleich Exempla können allegiert werden/ daß Aderlast vbel gerathen  
 sey/ wegen der Vbertrettung der verbotenen Lastage/ so geschicht doch der  
 Schaden vielmehr/ ratione imaginationis, vnd denn/ daß die Concor-  
 dans/ darinn der Leib/ leben vnd stehen soll/ durch vnnotig Aderlassen/  
 zur Vnzeit/ gebrochen wirdt/ als daß es des Signi, böser Aspecten, vnd  
 der vermeyndten Zeit schuld solte seyn/ darumb man diesen Grund/ von  
 dem Aderlassen/ wol lehren vnd mercken.

Aerzte/ Balbierer vnd Bader / solten mit dem Aderlassen nicht so  
 mildt seyn/ bey gesunden Leuten/ vnd gesunde Leute sollen sich vorm Ader-  
 lassen hüten/ die aber sind gesund/ die der vndern vnd obern Sphæra wie-  
 derstehen/ deren Constellation in Gesundheit vortrifft. Etliche halten  
 das Aderlassen vor eine vollkommene Genesung oder ja Milderung der  
 Kranckheiten: Item vor eine nützliche Gewonheit/ Erfrischung des Ges-  
 blüts/ ein nützliches Ding zu außerlesenen Zeiten/ für Auffenthaltung et-  
 licher Kranckheiten/ vnd ein gesund Alter dadurch zu erlangen. Aber diese  
 Rathschläge haben keinen Grund/ dann es seynd allerley Verderbung der  
 Glied